

# 1 Tesalonaika

<sup>1</sup> I dere așeta, ę Pol-né dapó. Sailas-ró, Timotitamokélé dă fea betamó bituraalu, diă Tesalonaika be huluamó betó mole Keriso so whıpaae i dapa wosae. Diă Keriso fake Aya Kótóró Tale Yesu Kerisotamoné ala tuamó betepa, Kótóné ama hamokoróló tao sere ala wisinaaleró hosaa muni deyóló mo dua betere alatamo diă tuamó mulópoló yae.

*Tesalonaika so whı Talepaae tuę tiki tiró betepa, Pol-né mo kée yale fo*

<sup>2</sup> Diă fea dăné kutiri tuamó muó taru, mo kée yóló Talepaae moma dere ala hăle yó tarapó.

<sup>3</sup> Atéró, Aya Kótóné keletómó moma yó tare alata, diaaę kisipa tiki tiró betere alané kaarale kutórapekélé, kŕlené sukóló yaala sókó fole alané kaarale depe tukó wei alakélé, take nalo waaire sukamó, Tale Yesu Keriso tuamó wisi ala mupa kelaalopóló kisipa mutu, hŕkélé ini, hăle eró tare alamókélé, mo kée yóló Talepaae moma du beterapó.

<sup>4-5</sup> Kótóné yaala sókó fu betere norape-ó, Tal-ené diă fopeyóló sókó suyóló beteró beteretei, dăné tuęrapó. Ti noatepae, mió wosetere kisi fo wisi dăné diăpaae Kótóné fotokŕtamo yó matepa diăné woseturaalu, hăle tó tikiné maaté wosetere ala inipó. Mo bete mole fopóló Dęi Kepe Wisi diă tuamó făayóló sŕreteiné diaaę hosaa betemó salepó. Diă wisiyóló beterŕpóló kisipa

mutu, ɗa ɗiɗtamo betaletei ɗiɗné ai kisipare ape. <sup>6</sup> Atéturaalu, ɗapaaekélé, Talepaaekélé, dua yale dowi sekei ala kaae, ɗapaaekélé erótua yalepó. Atétepeitei, me ɗla meipóló hepée taae faróló, Ɗei Kepe Wisiné matere haɗtere ala mulu, kale fo wisi mo wisiyóló wosetu betalepó. <sup>7</sup> Atére ala Masedonia hae kwiaró Akaia hae kwiatamomó Yesupaae kisipa tiróló beterapó dere fo wosetu, atimakélé, atéro betaai dapóló kisipa mualepó. <sup>8</sup> Talené ama fo wisi, ɗiɗa betere tikimó kaayóló, Masedonia hae kwiaró Akaia hae kwiatamopaaekélé yó melaté fóló fakeralepó. Atéturaalu, ɗiɗa Tale Kótópaae kisipa tiki tiró beterapó dere fo hae kwia feamó betó mole so whiné wosalepó. Atéyaleiteiné ɗané me kae enénipó. <sup>9</sup> Ti noatepae, ai be huluamó betó mole so whi diaaɗ ɗa wisiyóló dape sale ala atimanéitei mepaae so whipaae yalepó. Ɗiɗa kapala kótóné ala erótu betaletei taaróló, ti betere Kótóné ala eraai walepó. <sup>10</sup> Atéru, ama kepaaróló hepen-mó betéro betere Naale wópóló kaae tawóló beterapó dere fokélé so whi feané wosalepó. Ti ai seké Aɗa, Kótóné fopaae buturaalu kwia melaaire ala ɗapaae eraqsóro, tao su betere whi Yesupó.

## 2

*Pol Tesalonaika be huluamó fo yó maté kwęale fo*

<sup>1</sup> Norape-ó, take ɗa ɗiɗtamo sawa haɗleke sukamó bitu, eraai wale ala haşókó feni, mo eraletei diaaɗ ai kisipare ape. <sup>2</sup> Take diaaɗ bepaae waai, Filipai be huluamó betepa erale

sekei alaró, halerale alatamo diñé kisiparapó. Téptei, ðané Aya Kótóné ða tao su betepa, ha-laainé diãpaae ama fo wisi yó mótu betalepó. Ai ala du beteremó, mepaae wh̄irapené ða daai ketekę butepatei, wiyóló taaréni, hałe yó matere ala betã du betalepó. <sup>3</sup> Ti noatepae, ðané diãpaae du betere bete mole fota, hõko ala tuãmó kaayóló ini, mopóló diaaę sya faasepóló dapó. I foné diã dilikóló me ęla saai ó diã doraaire kisipa mulu-raalu dumi, motóró i dere ape. <sup>4</sup> Tényi, Kótóné ama fo wisi yó melópoló, ða ama fopeyóló sóró beteró betepa, ama fo wisi ðané diãpaae i yó mótu betere ape. ðané i du betere ala, mo wh̄irapené kilitu, wisi ala dapóló ða dukirópoló dumitei, ðané hosaa tuãmó mole ala kãae keletere Kótóné kolóló, wisirapó yópoló du beterapó. <sup>5</sup> ðané diãpaae Kótóné fo yó móturaalu, diñé me ęla ęla saai dapóló fonétei diã hałe mulóló, dilikiniyale ala diaaękélé kisipa yóo, Kótónékélé kisipa yóo erapó. Ti noatepae, ðané du betere ala feata, Kótóné ama kele tómótóró du beterapó. <sup>6</sup> Ti ðané i du betere alata, diaaę ó mepaae wh̄irapénékélé wosóló ða dukirópoló dumipó. Ti ðata, Kerisoné ama sóró beteró betere yó matere wh̄irape bitu-raalu, ða fiyaaire be ó naaitere ęla diãpaae tao sae yaalopóló yaleteti, diã seke yaęsóró kisipa mutu taaralepó.

<sup>7</sup> Téturaalu, betã soné ama naale senaale awã nõpóló dua bitu dere kaae, ða diãtamo naameiné dua beterepó. <sup>8</sup> ðané diã yaala sókó fole ala mo turó mulu, Kótóné kisi fo wisi yó matere ala maaté ini, diã tao saai wisi kisipatamo ðané

betere betekélé malepó. Ti noatepae, diꞥ ðané hosaa mo turó mole ne no alée feleteinépó. <sup>9</sup> Norape-ó, ðá diꞥtamo bituraalu yale alarape fea kisipa muae. Kótóné fo wisi yó mótu bitu, mepaae ðané naaire ɔla ó be diꞥpaae maaté sekeꞥ eraalomeipóló kisipa mutu, ðetamokélé, dikitamokélé, ðanétei doasi depe tukó wei ala du betaleti diaaꞥ ai kisipare ape.

<sup>10</sup> Tétu, diꞥ kisipa tiki tiró betere so whi tuꞥmó ðá betaleti ala diꞥnékélé Kótónékélé, kolóló ai kisipare ape. Kótóné ama sóró kae betero betere whirapené dere ala yóo, mo donoi ala maaté dere whirape betóo, me dowi alakélé munire whi betóo, erepó. <sup>11</sup> Ti noatepae, whi betaꞥné ama naale senaale kae tatu dere kae, ðané diꞥ dokꞥ fea atéro kae taté fu betalepó. <sup>12</sup> Até yaleti diꞥ Kótóné ama tetéroló kae tare alaró ama kae ere ala wisitamo tuꞥmó betaai ape yalepó. Atéru, ai sekéné mo ama so whi su beteroꞥpóló kisipa mutu, ðané diꞥ fotokꞥroló ketekꞥ bulatere fo yóo, sekei alané só deraꞥsoro háratere fo yóo, duraalu, setere ala du betalepó.

<sup>13</sup> Téturaalu, miókélé Kótópaae mo kée yó tare alata, noa betené meipó. ðané diꞥpaae yó matepa, wosetu betaleti fota, mo whiné fo yó matapóló kisipa muni, Kótóné ama fotóro yó matapóló hosaamó salepó. Ai fota, diꞥ tuꞥ tiki tiró betere so whi tuꞥmó muluraalu, ai fonétei Kótóné ama kisipa mole erótu beteroꞥpó. <sup>14</sup> Norape-ó, Judia haemó Yesu Keriso tuꞥmó betere Kótóné fake so whipaae erale sekei alamó kisipa muae. Ti atimapaee ai erale susupui alata, atima Juda

fakenétei eralepó. Atétu yale kaae, diaaḡ be wh̄inétei, diḡpaaekélé ai alatóró eralepó. <sup>15</sup> Ti ai Juda wh̄irapenáta, Tale Yesu Keriso dóo, Kótóné ama ḡló wh̄irapekélé dóló kemeróo, ḡkélé i fo wisi atimapaee yó melaḡsóró ḡḡkó falóo yalepó. Juda fake mei, kae fake so wh̄i mo ti aluyaḡsóró Kótóné tao sḡpóló ḡḡné atimapaee kale fo wisi yó mótu betepatei, atimané sesétu betalepó. Atétere alané so wh̄i featamo bóe dóo, Kótókélé fopaae bulóo, yalepó. <sup>16</sup> Atéturaalu, atimané ai du betere dowi ala mo ti muté hutu betepa, Kótóné fopaae buóló kwia melaai doasi ketekḡ butu betale ala kemerḡle wouraalu mo ai melale ape.

*Pol ḡ Tesalonaika so wh̄i ḡḡle fenée du betaletei*

<sup>17</sup> Térapa norape-ó, ḡḡta diḡtamo betḡmó betaai yalemó, bóe dóló foya yaleteiné ḡḡ kae betóo, diḡ kae betóo, ai ere ape. Téretei, ḡḡné diḡ kisipa keteró bitini, ḡḡle kisipa yó tarapó. Téruraalu, ḡḡné diḡ kelenée yóló kisipa mutu, diḡ beterepaae waaire tḡ kikitu betale sḡpó. <sup>18</sup> Ti noatepae, ḡḡ diḡ beterepaae waai dapóló ḡ Polné tḡ dekéro kikitu betaletei, Satan-né ḡḡ waaire tḡ seséyalepó. <sup>19-20</sup> Ti noatepae, take waaire alimó wisi ala kelaai dapóló ḡḡné sukutere beteta, me ḡla kae mei, diḡtórótípó. Tale Yesu ḡ waaire sukamó ḡḡ fea ḡtamo betḡmó betó muluraalu, noa ala epa kilitu ḡḡ ḡḡné sukóló bopé fake yaaloé? Ti atéro ḡḡné sukóló bopé fake yaaitere alata, diḡtóró kilitu, doasi doi sóro ḡḡné sukḡalopó. Atéro, mepaae ḡla wisi saairaalu wh̄i fea sururu yóló foletei, betḡ folosóro sókó fole wh̄iné topo tao sóro ḡḡkesené sinitu bopé faketu

dere kaae, ðanékélé ðiā kilitu atei kaae ala yóló, mo kée yaalo ai ape.

### 3

<sup>1</sup> Téró ðā Atenis be huluamó betó mulu, ðiā netéró beterérópóló, ðā whaaliatu betalepó. Tétu, ðāsisi taleyóló ðāmo i Atenis bemó bituraalu, Timoti ðiā beterepaae ai ðotēyale ape. <sup>2</sup> ðané no Timoti āta, Yesu Kerisoné mió i wosetere kisi fo wisi so whīpaae eróló fakeraté fópóló, ðāmo betāmó bituraalu, Kótóné kutó ðiratere whīpó. Ti ai seké ðiā beterepaae ðotnatereteita, hāle meipó. Diaaḡ kisipa tiki tiróló beteretei, mió ai wou betere sekēi alarapéné haepaae só ðeraḡsóró ā ðiāmo bitu, ðiā fotokḡ bulatere ala yópóló ai ðotonale ape. <sup>3</sup> Mió ðā feapaae i erótu betere sekēi alarape, mené ðāpaae eratepa, beleyópóló Talenétei tukóló muló beteretei diaaḡ mo kisiparapó. <sup>4</sup> Ti i dere fota kapala mei, ðā take ðiāmo bituraalu, doasi sekēi ala mo waalopóló ðiāpaae inié? Ai yale fo motóró ðokonóturaalu yale alata, diaaḡ mo wisiyóló tuērapó. <sup>5</sup> Atétere betemó, ðiāné kisipa tiki tiró betere ala netéréro, ai sekēné kēle wópóló ai ðotonale ape. Ti noatepae, kōpaae fópóló dée nalatere sekēné ðiā dée nanóló, ðané ðiāpaae erale alarape hāle besekéróló ðoralemóló whaaliatēpa kēle wópóló kale seké ai ðotonale ape.

*Timotiné ene wale fo wosetu, Talepaae mo yaletēi*

<sup>6</sup> Téyaletēi, Timoti momó ðā beterepaae fesaae wóló i betere ape. Atéro ama ðiā betere alaró,

diñané tuę tiki tiróló yaala sókó fole alatamo du beteraþó ene wale fo wosetu, ðané mo kée du beteraþó. Ai sekę ą mo miótóró ða betereþaae sókó wóló i fo yaleþó. Betere dokọ fea ðané ða tuę yó taru, wisi kisipa muóló betóo, ðané ði ą kele wolée du betere kaae, diaaąkélé ða kele fenée du beteraþóló ðaþaae ene wóo, yaleþó. <sup>7</sup> Norape-ó, ði atétu beteraþó dere fo wosaletiné ða imó bituraalu, kae kae susupui alaró, sekęi alatamo wou betepatei, diaaą kisipa tiki tiró beteraþó, dere fo woseturaalu, ðané hosaa muni deýóló, mo kée fo du beteraþó. <sup>8</sup> Ti noateþaae, ði Talené ala tuámó mo diriyóló bitiré waleteti, miókélé hałe betótóró tarapó, dere fo woseturaalu, mo kée yóló ðakélé hajné sukutu beteraþó. <sup>9</sup> Ða Kótóné keletómó bituraalu, ðané du betere ala kolóló hajné sukutere ala mo turó faanapó. Atére alamó, Kótóþaae mo kée dere fo yaairetei sunipó. Ti noateþaae, hajné sukutere ala ða tuámó mo suró beteraþó. <sup>10</sup> Diaaą tuę tiki tiró betere tuámó, mepaae yaýare alarape ði tao sóró yó male waai, dikitamokélé ðetamokélé ðané mo dirii moma yó tarapó.

<sup>11</sup> Térapa, mió ða ði betereþaae waaire tuąa, ðané Aya Kótóró Tale Yesutamóné alerópóló yae. <sup>12</sup> Ðané ðiþaae yaala sókó fu dere kaae, diaaą yaala sókó fole alakélé, mo ti faayóló węi feleyóló futere kaae yópóló, ðişisitei u yó mótu i yó mótu du betae. Téturaalu, mepaae so whþaae yaala sókó fole alakélé Talené amatóró erópóló yae. <sup>13</sup> Tale Yesuró ama kae beteró betere whþapetamo wale sukamó, ðané Aya Kótóné

keletómó me ala munipa kilitu, mo ama kae betere so whipóló, Kótóné amatei diaaḡ hosaa dirirópóló yae.

## 4

*Kótóné dḡ betere ala kilitu, ḡ hḡkeseyópóló etéró betae yóló dere ma fo*

<sup>1</sup> Norape-ó, ḡané diḡpaae kemeróturaalu dere fo i ape. Kótóné keletómó wisirapó yópóló, etéró betae yóló take ḡané diḡpaae yó mótu betalepó. Ai yale fo mo dapóló diaaḡ wosóló eraté ai wou betere ape. Dḡ fea Tale Yesu tuḡmó bitu, ai du betere alatóró fakerae yóló, mió ḡané diḡ ketekeḡ bulatere fo i dere ape. <sup>2</sup>Ti noa betené meipó. Tale Yesuné fea ala amatóró sḡmó tḡeteróló kaae taru, ḡḡpaae erae depa, ḡanémo diḡpaae i ala yae yóló, yó mótu betale forape diaaḡ ai tuḡre ape.

<sup>3</sup>Atéreteiné, diḡ fea dowi ala mo betḡkélé muni, mo kae so whḡ beterópóló Kótóné ama kisipa mutu beterapó. Térené, whḡiné so ḡlémi nokole alakélé, soné whḡ ḡlémi nokole alakélé, diḡpaae yaḡse yóló dapó. <sup>4</sup>Térapa, diḡané kisipa tiki séle séle wisiyóló tḡeteróló kaae tare ala mo so whḡnékélé, Kótónékélé kilituraalu, mo kae beteró betere so whḡ beterapóló dukirópóló diḡané tó tiki diaaḡtei wisiyóló kaae tawae. <sup>5</sup>Kótó tuḡni, mo ḡḡle betere so whḡiné, au nóló ḡlémi naairaaalu ekḡle dere ala kaae yaḡse. <sup>6</sup>Ti atéró ḡlémi nuku betere alata, me whḡiné kelaalomeipóló kinóló naao no ḡlémi nó matere ala mo yaḡse. Atei dowi ala deremó, Talené doasi kwia melaalopó. Téyaḡsóró, atei kaae ala momókó yaḡse yóló, take



ɖané diɖ kisipa mulóló ma fo ai yale ape. <sup>7</sup> Ti noatepae, wisi alaró dowi alatamo hosekéyóló beterepóló Kótóné ɖá ɖ beterepae ape fo ini, mo ama kae so whi beterepóló ape yalepó. <sup>8</sup> Térapa, whi me denétamo i du betere ma fo woseni nisyóló hórótu betepa, ti mo whiné dere fo hórótumitei, diɖ Ɖei Kepe Wisi mótu betere Kótóné fotei hórótu beterepó.

<sup>9</sup> Téró, diaaɖ mo notamo dere kae hekesené sinóló yaala sókó fu betere ala yópóló, Kótónétei yó male ala diɖné kisiparapó. Atérené ɖané diɖpaae me noa fo kae asɛ yaalomeipó. <sup>10</sup> Ti aita, mo dapó. Masedonia hae kwiamó betó mole Keriso norapepaae diaaɖ yaala sókó fu beterepó. Tépaitei, ai ala mo ti fakerae yóló ɖané diɖ ketekeɖ bulatere fo i dere ape.

<sup>11-12</sup> Diaaɖ betere dokɖ du betere ala fea mo haɖe betere whirapené kilituraalu, atimané i du betere alata, mo wisirapó fo yópóló yae. Diaaɖ yaɖɖatu betere ɖla me whiné melópólópó yóló dekaýóló haɖe bitini, diɖ mo dua bitu kae depe tukó wei ala du betae. Ɖané diɖpaae yae yóló, yó male alatóróti sya fóló mené yaaire alamó kisipa muni, diaaɖ yaaire ala betɖ kisipa muóló du betae.

### *Tale wouraaɖ yaaire alamó ere fo*

<sup>13</sup> Norape-ó, sukɖle so whi atima neté yaalorópó yóló, kɖló kɖló du betaqsóró, diɖpaae i dapa wosae. Take waaire alimó mo wisi ala kelaalopó yóló kisipa muóló, haɖné sukutu betae. Mo so whi ai ala kisipa muniru, doa dekené sini molótu dere kae, diaaɖkéle yaqsóró kisipa

mutu dapó. Ti atimané wole dere alata, ama kaepó. <sup>14</sup> Yesu mo ti sukáletei, momó kepaayóló beteraþó dere fo ðané woseturaalu, tué tiki tiró beteraþó. Atéreteiné, mepaae Yesuné ala tuámó betepa, sukutere so whíkélé, Yesutamo betámó Kótóné dapesó waalopó ere fomó ða kisipa tiki tiró beteraþó. <sup>15</sup> Talené ðapaae i ala eraalopóló ere fo ðanémo ðiþpaae i ðapa wosae. Tale waaire be ðe teópatei, sinale so whi taaróló, ða sukuni haþe betó mole so whirapepi folosóro faalomeipó. <sup>16</sup> Ti noatepae, Tale aþóróti ó hepen be taaróló dorowouraalu, i ala yae yóló fo fakeyóló yóo, doasi topo *ensel*-né fo yóo, Kótóné ukulumó wuti haletere ala yóo, yaalopó. Ai ala deremó, Keriso betero sinale so whipi turukó holaalo ai ape. <sup>17</sup> Atéyale sisópaae ti ða sukuni haþe betó mole so whi tokó sóro, saþo tuámó atima sinale so whitamó hokolaayóló, fea touyóló huturaalu, haþe tó tuámómo Taletamo hokolaa yaalopó. Atéro holóló, suka fea ða Taletamo betámó mo titóro betó tawaalopó. <sup>18</sup> Atéyaalopa, i dere foné, ðiá fotokþ butere ala yópóló ðiásisitei u yó mótu i yó mótu du betae.

## 5

<sup>1-2</sup> Térapa, norape-ó, waaire ali ó be ðerape ðiáne kisipa inipapakó, ðané ðiþpaae aþeyaalomeipó. Ti noatepae, Tale waaire be ðeta, dikitamo qlémi nokole whi woutere kaae yóló waairetei, diaaþ mo diriyóló ai tuére ape. <sup>3</sup> Mo so whiné duraalu, “Ðapaae me ala eraalomei, mo dua beteraþó,” fo du betepatei, betá soné

naale saai, sisó nukutere kaae, atimapaakélé eraalopó. Téturaalu, be ɔla ɔla doratere ala mo hapale tétitoró sókó wóló, kilita eraalo ai ape. Atéyaaire alata, mo haşókó faalomeipó.

4 Téyaalotei, norape-ó, diɔ diliki dolomó mokɔleyaayóló betepapakó, ɔlémi nokole whi sókó walemó me whi kilita sókó fu dere kaae, diɔ atéro kilita sókó faalomeipó. 5 Diɔ feata, deşó sukamoto tuşamó betó mole so whi ai betere ape. Daɔa, dikitamo ó diliki dolomó betere so whi meipó. 6 Térapa, da mepaae noke fire whi kaae fió muni, kele diriyóló betere so whitóro bitu, daşétei da betere bete mo hotowaró kaae tanérapó. 7 Ti noatepae, atima dikitamo noke fitere so whita, ti fitua yóo, topo dotere wei nokole so whikélé dilikitamo nólo topo doyoóló hoşo bitua yóo, dapó. 8 Daɔa, deşamo betere so whipa, da betere bete daşétei hotowayóló kaae tawóló bitiépe. Téruraalu, bóe daai kuti wase su dere kaae, kisipa tiki tiró betere alaró yaala sókó fole alatamo atéro sóro betaalopó. Talené da aluyaşsóro tao saaire alamó tué muturaalu hajné sukutere alata, bóe daai deratere dirii topo tao kaae deróló betenérapó. 9 Ti noatepae, da so whita, Kótó ɔ fopaae buturaalu, kwia melóló susupu eraai dapóló, sóro beterénitei, Tale Yesu Keriso tuşamó betepa, tao sóro wisiraii kisipa mutu sóro beteralopó. 10 Da tao saai ɔ sukaleita, da mo betere so whi ó sukale so whikélé fea ştamo beşamó beterópoló kisipa mutu, yalepó. 11 Térapa, mió dişané ai du betere alatóro haşe yó taruraalu, diɔ Talené ala tuşamó

mo dirii Keriso so whi betaasepóló, dişisi u tao su i tao su yóló, ketekę bulatere alakélé mo ti deté fu betae.

*Mo kemeróturaalu i alarape yae yóló dere ma fo*

<sup>12</sup> Norape-ó, Talené ala tuámó bitu, diş teteróló kaae taruraalu, depe tukó wei kutó ditu betere whirapené dere ma fo wosóló, atima aqmó sukóló betae yóló i dere ape. <sup>13</sup> Térapa, atima ai kutó ditu betereteimó, diş yaala sókó furaalu, atimané doi sóró horótu betae. Atéru, diaaq no netamo hosaa muni deyóló dua betó muae. <sup>14</sup> Norape-ó, mepaae kutó dini, dekeyóló hęle betere so whipaae dirii ma fo yóo, hşsóké fole ala yaşsóró witu, fo tekeni kekóló fi betere so whi tao sóró ketekę bulóo, fotokę buni, bére so whi tao sóo, yae. Tétu, mepaae so whi hşsóké fole ala depa, hapale foné só deréni, dua kaae taté fío, mepaae dere ala so whi feapaae eróo dua yae. <sup>15</sup> Téturaalu, mepaae so whiné yępaae me dowi ala eratepa, naaomo ępaae tokę matere ala momókó yaşse. Téni, suka fea dişisitei wisi ala yó taru, u tao su i tao su dere ala, mepaae hęle betó mole so whipaekélé eraté fu betae.

<sup>16-18</sup> Kae kae noa kaae ala diş tuępaae eratepakélé taaréni, hşné sukutere alakélé, momatere alakélé, Talepaae mo kée dere fokélé hęle yó tawae. Ti noatepae, Kótóné ama kisipané diş fea Yesu Keriso tuámó bitu, ai alarape yępóló kisipa mulapó.

<sup>19-20</sup> Kale Deį Kepe Wisiné dó tare si surukę faréni yóo, Kótóné kóló whirapené so whipaae yó matere fo bete munire ęla aqróló faleyoó

du betaqse. <sup>21</sup> Ai dere fo fea wisirémóló k̄aae kolóló, taleyóló mo bete mole fo maaté wosóló eró tawae. <sup>22</sup> Ai du betere kae kae dowi alané dīa só deraqsórópa, hotowayóló kaae taruraalu, woleyóló betae.

<sup>23</sup> Tétu, hosaa muni deyóló dua betere ala eratere Tale Kótóné amatei, diaaḡ betere ala mo turó wisiróló, mo kae betere so wh̄i beterḡpóló yae. Ti atétere alata, diaaḡ kepekélé, asoró mo tikitamokélé, mo turó me dowi alatamo hosekényi, mo donoi so wh̄i bitiré fóló, ḡa t̄eteróló kaae tare wh̄i Yesu Keriso wale alimó sókó fḡpóló yae. <sup>24</sup> Dīapaae ape du betere sekényi ama dīamó eraalopó du betere ala ḡasókó feni, mo eraalo ai ape.

<sup>25-26</sup> No nerape-ó, Talené ḡa tao sḡpóló, momatere ala du betae. Aimó betó mole no nerapepaae k̄leó duraalu, dowi ala mo betakélé munire so wh̄iné apuóló k̄lóló tukó nokole ala du betae. <sup>27</sup> I aḡeta, ai be huluamó betó mole Keriso no nerape feané wosḡpóló, dosḡayae yóló Talené keletómó, ḡalo dīapaae i dere ape.

<sup>28</sup> ḡa t̄eteróló kaae tare wh̄i Yesu Kerisoné hamokoróló ḡale tao sere ala wisi dīa tuḡmó mulḡpóló yae.

**Yesu Kerisoné So Whi Tao Sere Kisi Fo Wisi**  
**The New Testament in the Folopa Language of Papua**  
**New Guinea**

**Nupela Testamen long tokples Folopa long Niugini**

copyright © 2005 Wycliffe Bible Translators, Inc.

Language: Folopa

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-09-20

---

PDF generated using Haiola and XeLaTeX on 11 Nov 2022 from source files dated 9 Oct 2020

4e9b4b04-0b47-5583-9c4d-fb82cfdd65c2